

Mud Volapüka

Nüm 71

25 gustul 2017

Bukemaboed

Fövot lekoned-mära yutopik
„Ventürs hiela ‚Nenolikan‘ e flenas omik“
fa hiel „N. N. Nosov“

Kapit teldegbalid. Gevegam fa hiels: Skrubül e Lebuonül.

Kälöfo kipölo pötrāti okik me nams, Vielafloorulan edoniogolof [enexänof ini cem donik] e jicilils votik sunädo ezüofs ofi. Utans valik äsagofs, das pöträt ofik pluon tefü uts Nifaflogülana e Blövalogikana demü jön, ab nepluon leigodü pöträts etanas tefü süm ko rigädasaman.

„Kio nevisediku binols.“ - Vielafloorulan esagof etanes. - „Kis binon veütikum pro ols: jön u süm?“

„Jön, dido!“ - valikans egesagofs.

Ettimo Svalül e Katül heköls enüjutedofs ini cem.

„Ag, mifät kion!“ - ävokädofs. - „Ag, ti lesuidikofs demü dädäd!“

„Kis ejenon?“ - valikans edredikofs.

„Adelo etevobs lü malädanöp...“ - Svalül eprimof ad konön.

„...dat dugön lü löd hicililis, kelis ömutoy-la libükön [stadükön libio demü saunikam]“ - Katül efövof.

„...ab Pulnomar isagof, das hicililis at ya imogoloms“ - Svalül evüspikof.

„...täno äbegobs ad degivön hicililis votik obes.“ - Katül dönu efövof ed äsagof vifiko, dat Svalül no uropof ofi - „Täno Pulnomar



edegivof Baülani e Spidülani obes, ädugobs etanis ve süt, ab efugoms de obs ed exänoms sui bim.“

„Etans dredäloms, das odugälobs omis.“ - Svalül spido [sunädo] evüspikof ed äsmilof.

„Leno nedobs dugälön omis!“ - Katül elogodajästof ludigidälo [emijästidof mudi].

„Kitopo stadoms nu üfo?“ - Blövalogikan esäkof.

„Bliboms pö bim.“ - Svalül esagof. - „Kanoms-la primön ad desleitön podis!..“

„Tevobsös ad logedön omis.“ - Nifaflogül emobof.

Baülan e Spidülan äseadoms su letuig podabima e vo ästeifoms ad desleitön podi. Ätüloms oni, steifölo ad debreikön stagi. Süpo eküpoms trupi jicililas, kel ästadons fago pö süt ed älogedofs omis nuläliko. Edaküpölo küpäli somik de jicilils, Baülan e Spidülan eprimoms ad deätülön podi nog vemöfikumo. Baülan igo eprimom ad betuetön stagi me tuts.

„Liö!, no nog edesleitoms podi igo bal!“ - eleliloms vögi donao.

Baülan e Spidülan elogedoms donio ed eküpoms jicililis labü logs blövik, kel äsmilölo älogedof etanis.

„Seilolöd, o blövalogikan!“ - Baülan emurom. - „Cedol-li, das binos fasiliku ad desleitön onis?“

„Ab if ugivoyöb saovi ores, täno uvedos-li ad fasilikumo?“

„Lesi! Te givolös saovi obes!..“ - Spidülan egesagom.

Blövalogikan emojutedof ini dom nilikün ed



eblinof saovi Spidülane. Pos minut za bal stag pe-fi-saovon e pod edofalon.

„Ekö, o jicilils, deblinolsös podis!“ - Blövalogikan ävokädo. - „Hicilils esludoms ad yufön obis.“

Jicilils ömik elüjutedofs lü pod seatöl su glun e, bruätölo oni, ärölofs lü yad nilikün.

Tö Grünazif kev [distead] äkomon dis dom alik pro kipedam flukema e härbatema. Efi-rölölo podi lü dom, jicilils emaifükofs yani, kel äbinon su nivod gluna, ed enü-rölofs podi da yan at. Disskaf boedik ästadon po yan, ve kel pod okao ärolon ini kev. Efi-dunölo atosi, jicilils äjutedofs ge, ab kos atans jicilils votik ärölofs podi nog bal.

Vob emufädikon. Libelul lüjutedof. Ejafidof saovi seimöpo, elenükof pla kloted bliti, kelis älenükof ad pledön glöpi-ta-jed-ädi, e koo äbegrämof sui bim. Eküpölo saovi pö nams ofik, Baülan esagom:

„He, o ol! Ekö, mogivolöd saov-ili obe. No kanob gebön oni.“

„Noe kanol gebön oni!“ - Libelul egesagof dädükiäliko.

Eseidof oki sui tuig e, beit-ül-ölo lipi okik, eprimof ad du-saovön stagi poda. Baülan glötiko älogedom ofi, poso esagom:

„Ovobolös kobü ob: nu osaovol ab otakädob, täno osaovob ab otakädol.“

„Rajanö.“ - Libelul ebaiodof.

Attimo jicilils ejutedofs de dom, nilü kel garad topon, e sunädo dü brefüp nun espearikon, das Skrubül e Lebuonül emoikoms. Jicilils at äsagofs, das Skrubül e Lebuonül mugödo idetävoms lü Kaitöp e siso no fi-ge-vegoms.

„Ekö!“ - Svalül äsnätörof - „Ga äbüosagob atosi! Suno hicilils valik usädrefidoms lü Kaitöp. No oviloms topätön tö zif obsik.“

„Atos lindifonös kol obs.“ - Blövalogikan esagof. - „Ostöpädobsös neki mekädo.“

Luspikots tefü dobälot Skrubüla e Lebuonüla ädulons jüi soar. Svalül e Katül igo äjinofs fredön, das etans imoikoms, ed älusmilofs badöfafrediko.

Kü spel, das Skrubül e Lebuonül ugevegoms, ya efinedon löliko, tood

epubon pö fin süta. Sijidölo e knätärölo, eduvegon ve süt. Jicilils estopedofs ad vobön ed äpö:rönof oni. Katül e Svalül ärönofs fo valikans ed ävokädofs:

„Skrübül e Lebuonül ege:tevom! Skrubül e Lebuonül egetevoms!“ - Poso estopikofs ed esagofs: - „Ne:vif:ik:um:ols:ös! No nedos ad rönön po tood. Jonülobs-la sami badik hicililes.“



Kü jicilils elügolofs lü garad, täno eküpofs, das plä Skrubül e Lebuonül nog Luibül ekömom.

„Ab kimu atan binon?“ - Katül esagof leskaniko. - „Atan binom-la Luibülu di Kaitöp? Kikodo ekömor, o Luibül? No ävüdots ori.“

„Atos lindifon kol ob!“ - Luibül egesagom. - „Leno neodob vüdi olsik!“

„Liö: ‚lindifos‘!“ - Svalül esagof. - „No tevobs lü ors, kludo no tevors lü obs.“

„Ab tevorsös. Ga no momofobs oris.“

„Liö no momofors? Ga its ivüdoms obis ad nulayela:zäl, ab poso iprimoms ad jedön nifa:glöpis!“

„Kikodo atos binon badiku? Te ävilobs pledön me nifaglöps. Koo ämutobs bejedön obis me nifaglöps.“

„Sötors suemön [sevön], das jicilils no plidofs ad jedön nifi me nams.“

„Bo, ipölobs bosilo.“ - Luibül etovülom jotis. - „No ädemobs, das öludrenilors [öborofs] ed öbadocedors laidüpio.“

„Nö, öbadocedors laidüpio güo! Lü kis ilesedors Klufülü lü obs? Bo, ga its sevors-li utosi, kelosi idunom is?“

„No gididobs demü Klufül.“ - Luibül egesagom. - „Koo bitom badiko pö obs. Tadunobs etani, ab leno plöpobs ad benodugälön omi. No ilesedobs omi lü ors. Ävobom okao is pö ors.“

„Ävobom'!“ - Katül ebruvof [leskano]. - „Nemom atosi vobu! Nö, nu no kosädobs ko ors. Ne neodobs oris. Nu labobs hicililis oksik.“

„Ab ga no sogob obi lä ors. Go lindifors kol ob! Te elüvaibob Skrubüli e Lebuonüli, ed anu useidob obi ini tood ed udevabob ge.“

Luibül eskanikom ed edegolom fagio. Ab no ädevabom. Eküpölo, das Skrubül e Lebuonül eprimoms ad nätükön toodi, eprimom ad yufön etanis. Ibä joför alik labon natäli sogöfik. If vabistiran eküpon, das ek anätükön toodi, täno sio unilikon e koo uprimon ad deükön bos, fäiskrubön skrubi u te konsälön.

Etans kil kobo ävoboms jüi neit latik, ab too no iplöpoms ad finätükön toodi, bi nätükam vemo lunik äzesüdon.

Reidolsös fövoti konota pö nüm fovik.